

ZA: Općina Zavidovići
 mr.sci. Hašim Mujanović
 Načelnik Općine

DATUM: 15.10.2019. godine

BROJ: 1319-10/19

PREDMET: Info o aktivnostima Omladinske banke Zavidovići u 2019. i 2020. godini i plan uplate sredstava Općine Zavidovići u 2020. godini

Poštovani Načelnice,

U skladu sa Memorandumom o saradnji potpisanim 26.09.2019. godine između Fondacije Mozaik (broj protokola 1150-09/19) i Općine Zavidovići (broj protokola 02-14-2339/19) definisana je osnova saradnje na uspostavljanju i razvoju programa Omladinska banka Zavidovići, uključujući i podršku mikrobiznisima mladih, te razvoju društvenog poduzetništva mladih, investiranju u razvoj prototipa i pokretanju društvenih biznisa kroz Mozaik impakt inkubator u periodu oktobar 2019–decembar 2023. godine.

Općina Zavidovići je izabrala Premium paket–12.000 KM obezbjeđuje na godišnjem nivou, odnosno 48.000 KM za period 2020. – 2023. godine. Zajednički fond koji obezbjeđuju Fondacija Mozaik i Općina Zavidovići za 2020. godinu iznosi 27.000 KM prema sljedećim projekcijama:

Godina	Partneri	Programske aktivnosti	Broj grantova	Iznos za grantove	Broj mikrobiznisa	Iznos za mikrobiznise	Ukupno
2019.	Mozaik	7.000 KM	10	6.000 KM	2	2.000 KM	15.000 KM
	Općina	1.000 KM		9.000 KM		2.000 KM	12.000 KM
Ukupno		8.000 KM	10	15.000 KM	2	4.000 KM	27.000 KM

Fond Omladinske banke za finansiranje projekata neformalnih grupa mladih u 2020. godini će iznositi 15.000 KM. Mozaik će obezbijediti iznos od 6.000 KM, a Općina Zavidovići će obezbijediti iznos od 9.000 KM. Očekivani broj projekata koji je moguće podržati je oko 10 (maksimalni iznos podrške po projektu iznosi 1.500 KM, a podržani projekti mogu biti u iznosu od 500 KM do 1.500 KM). Projekte realizuju neformalne grupe mladih koji imaju 3–7 članova uzrasta od 17 do 35 godina.

Deset članova i članica odbora Omladinske banke Zavidovići (poziv za članove i članice OB Zavidovići otvoren do 15.11.2019.) nakon edukacije i treninga koji će biti održan od 07. do 09.02.2020. u Sarajevu zaduženi su za promociju, selekciju i monitoring projekta mladih. lonac.pro je ekosistem koji Fondacija Mozaik, partneri, Omladinske banke i mladi koriste za promociju, podršku i upravljanje procesom dodjele grantova, razvoja poduzetništva i društvenih biznisa mladih. Zahvaljujući specifičnom pristupu programa Omladinske banke, ukupna vrijednost oko 10 projekata neformalnih grupa mladih u Zavidovićima u 2020. godini iznositi će najmanje 22.500 KM (15.000 KM iz zajedničkog fonda Omladinske banke, a 7.500 KM od resursa koje obezbijede neformalne grupe mladih u Zavidovićima iz zajednice od pojedinaca, preduzeća, organizacija i institucija).

Troškovi programskih aktivnosti Omladinske banke Zavidovići u 2020. godini iznosiće 8.000 KM (u prilogu dokument). Mozaik će obezbijediti sredstva u iznosu od 7.000 KM, a Općina Zavidovići iznos od 1.000 KM. Programski troškovi tiču se troškova članova i članica odbora Omladinske banke, neformalnih grupa i predstavnika Općine Zavidovići i na godišnjem nivou pokrivaju troškove 4 trening modula za članove i članice OB, troškove promocije poziva, monitoringa i promocije rezultata.

Fond za podršku mikrobiznisima mladih u 2020. godine iznosiće 4.000 KM, a obezbijediće Mozaik 2.000 KM i Općina Zavidovići 2.000 KM što će omogućiti podršku za 2 mikrobiznisa mladih. Grant podrškom do 2.000 KM godišnje omogućiće se finansiranje 1 novoregistrovanog mikrobiznisa mladih (komercijalno poljoprivredno gazdinstvo ili obrt), a Odbor za mikropreduzetništvo tj. članovi i članice Omladinskih banaka donose o podršci mikrobiznisa mladih. Korisnik granta mikrobiznisa je osoba uzrasta 18 do 35 godina koja će registrovati mikrobiznis na teritoriji općine Zavidovići.

Mozaik je odgovoran za realizaciju osnovnih aktivnosti u okviru Impakt inkubatora: mlade koji su iskazali poduzetnički potencijal i aplicirali u lonac.pro za investiciju upoznati sa konceptom društvenog biznisa, omogućiti budućim poduzetnicima i poduzetnicama razvoj poslovnog modela kroz rad sa mentorima i priprema za prezentaciju pred Komisijom (Demo Day I), poduzetnici i poduzetnice koje je izabrala Komisija potpisuju ugovor o validaciji poslovnog modela, mentorskom i konsultantskom podrškom poduzetnicima i poduzetnicama omogućiti da finaliziraju biznis model za investiranje i prezentaciju pred investicionom Komisijom (Demo Day II), sa poduzetnicima i poduzetnicama koji dobiju investiciju potpisati ugovor o zajedničkom osnivanju i razvoju društvenog biznisa i obezbjeđivanje pristupa investitorima i kreditorima.

Mozaik će investirati godišnje u razvoj 30 društvenih biznisa mladih u BiH. Za 1 društveni biznis finansijska investicija može da iznosi do 40.000 KM, mentorska investicija do 20.000 KM i opciono kreditna investicija do 20.000 KM.

Detaljnije o planiranim aktivnostima u okviru programa Omladinska banka i Mozaik impakt inkubator za 2020. godinu, možete vidjeti u dokumentu koji šaljemo u prilogu.

Memorandumom o saradnji za program OB Zavidovići planirana je finansijska podrška u 2020. godini:

- Za troškove projekata neformalnih grupa mladih ukupno 15.000 KM (Općina Zavidovići će obezbijediti 9.000 KM ili 60%, a Fondacija Mozaik 6.000 KM ili 40%).
- Za programske aktivnosti ukupno 8.000 KM (Općina Zavidovići će obezbijediti 1.000 KM, a Fondacija Mozaik 7.000 KM);
- Za mikrobiznise ukupno 4.000 KM (Općina Zavidovići obezbjeđuje 2.000 KM i Mozaik 2.000 KM).

Napomena: U prilogu je pregled programskih troškova OB Zavidovići za 2020. godinu.

Mozaik je razvio lonac.pro, online zajednicu za razvoj aktivizma i poduzetništva mladih u okviru koga mladi apliciraju za projekte, mikrobiznise i društvene biznise, a odbor Omladinske banke radi promociju, selekciju projekta i mikrobiznisa, a takođe neformalne grupe i mikrobiznisi kompletnu proceduru finansiranja i izvještavanja.

U dokumentu Plan aktivnosti programa Omladinska banka Zavidovići (u prilogu) možete vidjeti detaljan tabelarni prikaz aktivnosti za 2020. godinu, ali želimo istaći par ključnih datuma:

- 14.02. – 09.03. 2020. biće otvoren je prvi poziv Omladinske banke Zavidovići za mlade u lonac.pro i apliciranje za projekte (17–35 god) i mikrobiznise (18–35 god). Raspoloživ fond za projekte 15.000 KM i 4.000 KM za mikrobiznise. Poziv će biti objavljen na web stranici Općine Zavidovići, FB Fondacije Mozaik, FB OB Zavidovići, FB Omladinske banke u BiH. Članovi i članice OB Zavidovići radiće najmanje 5 prezentacija u općini Zavidovići.
- 10.03. – 09.04. selekcija i glasanje za projekte i mikrobiznise.
- 10.04. – 30.04. ceremonija potpisivanja ugovora za odobrene projekte i mikrobiznise.
- 01.05. – 01.08. realizacija i monitoring projekta i registracija mikrobiznisa.

U slučaju da se ne utroše sredstva iz prvog poziva, otvara se drugi poziv od 13.04. do 30.04. odnosno i treći od 01.06. do 19.06. 2020. godine.

Kako bismo zajednički osigurali uspješnu realizaciju planiranih aktivnosti potrebno je imamo sredstva na vrijeme, odnosno predlažemo da se u svrhu finansiranja programa OB Zavidovići izvrše uplate Fondaciji Mozaik na žiro račun 161-0000036320-303 Raiffeisen Bank d.d. po sljedećem rasporedu:

Uplata	Svrha uplate	Iznos	Rok uplate
Prva	Omladinska banka Zavidovići-Programski troškovi	1.000 KM	14.02.2020.
Druga	Omladinska banka Zavidovići-Sredstva za sufinsiranje projekata	9.000 KM	10.03.2020.
Treća	Omladinska banka Zavidovići-Sredstva za sufinsiranje	2.000 KM	09.04.2020.

U slučaju neobezbjeđivanja sredstava na vrijeme programske aktivnosti nećemo nastavljati.

Za sve dodatne informacije, molim Vas da kontaktirate Željka Paukovića-direktora programa Omladinske banke Fondacije Mozaik na e-mail: zeljko@mozaik.ba, telefon: 051/257-567 ili mob: 061/186-470.

Prilog:

- Poziv za članstvo u Odboru Omladinske banke Zavidovići (otvoren do 15.11.2019).
- Plan aktivnosti programa Omladinske banke Zavidovići i Mozaik impakt inkubatora za 2020. godinu.
- Plan programskih troškova Omladinske banke Zavidovići za 2020. godinu.



S poštovanjem,

Zoran Puljić
Direktor